

Alao guai khang Baibal  
Kaipat ti Louc Mei

Jisu Ring  
Thao Mei



Himei: Edward Hughes

Kaba Dinv Louc Mei: Janie Forest  
Alastair Paterson

Kaluan Kasiamv Louc Mei: Lyn Doerksen

Hanc Pat Louc Mei: Katasin Kamei

Liangpatc Louc Mei: Bible for Children  
[www.M1914.org](http://www.M1914.org)


©2020 Bible for Children, Inc.

Nu Lou Mei: Nang rui juanv khang ham mak ge thei  
nam pat dat lana sin su nu e.



Khou tei n-tu mei pui gaan khat  
rui kachin bam mei ching  
dang khou kamik dui  
kei na rianra mei  
ta jao kuna bam  
khuane. Jisu tei  
thei the. Kapui  
Mary khatnic  
kamei le Jisu  
ta Kros khou  
thang luai lou  
bam mei dang  
khou guang  
the.





Tukum na Raguang na  
Jisu panti khou, hei  
kum mei pat bam tu  
cho? Akumna Raguang  
rui kana ru  
khou hei  
kum mei  
pat khang  
su bam tu cho?  
Jisu hei kakuai nai  
lana cho? Kamei  
thou cho? Raguang  
kiu ngam mei taan  
mak lana tha?





Kiu ham mak ge,  
Raguang thu suai jat  
mak ge. Kamei khuai  
mei nic mak ge. Jisu  
kata mei si mei nun rui  
kros khou thang luai  
puni tu mei ka mei thai  
de. Kamei n-nга na su  
bam dou, Simeon rui  
nic mi rianra nic mei  
lam Mary khou sa lou  
kan tu e.



Jisu ta su luai nic mei  
hu khou, n-tu mei pui  
gaan khat rui guang na  
karim nam gai mei thao dui rui  
kaphai khou tei lou na kasam rui  
thut lou khuane. Khou tei kaziab nun  
rui ta bui su na nsa su man bam tu cho?



Mi hei rui juan pat lana  
lung sic mei guai khang  
ti nu e tuna sa khuane.  
Khou tei Jisu rui kamei  
gai tan tan bam tu e tuna dao  
khuane. Kalam tho kamei rui Ai  
ta mbei nic mei taan taan bam tue. Mi lat hei  
kaziab nun khang kadat khat-khat khuan the.



Mi tang tei Jisu ziab runa  
kanei pang khou rui Juda  
Iskariot rui Jisu ta sian  
kangv 30 khang juan khang  
amu nun khou nu lou the.





Jihudi mei tuang kanpat pui  
ngai khou Jisu rui kaziab  
nun ta nkham mei taktu tu  
ncham khuan the. Khou tei  
kamei rui Raguang ta njian  
mei nun charin mei Raguang  
khatnic latrian lam din lou  
khuane.






Kumna Jisu rui ntian le  
chabuangv tei tii na tu-jang  
ncham the. Kamei rui mi  
hei apum/ajan khatnic azei,  
pap guai kuak lou khang ti  
mei the. Nang niu rui ning  
tou bam ni pui tuange tuna  
sa the.



Jisu rui kata nim nic mei lam kaziab nun khou tei ra lou lana, nang niu guai akhou rui pak tat ngam puni the tuna sa the. Khou tei Peter rui Ai tho pak tat nic tu hame tuna dao the. Khou tei nruai khuang liang kathum mak mei hu khou nang ata nu mak liang kathum puni tuna Jisu rui kakhou sa the.





Mi tang zing bang  
guang pu khou Jisu rui  
Gethsemani pikuan  
thang kalum khang tat  
kan the. Mi gan khou  
tei kaziab nun rui jip  
thei mang mang na  
bam khuan the. Tiki  
Jisu rui kalum the. He  
Apu, Nang rui nu ethei  
mi buang hei akhou rui  
la gan lou o tiki Ai rui  
ning mei hame, Nang  
rui ning mei de  
tuna sa the.

Kading khou rui mei kang dai tei Juda  
Iskariot rui nduanga pikuan khou  
guang khuan the. Khou tei Jisu rui  
pak tat mak khuane tiki Peter rui  
mansei gaan khat pu nu kuan siap  
taek lou khuane. Jisu rui  
rei-rei na kanu kuan tei  
kahi na ti gai lou dat the.  
Jisu rui kamei ta nim  
khang guang mei hei  
Raguang tuang  
chamraeng de  
tu mei thai e.



Khou tei mei kang dai rui Jisu ta nim na amu kai  
khou jai guang the. Khou tei Jihudi mei gaan thai  
nun tei rui Jisu thei nic  
tuang de tuna sa the.  
Mi gan khou tei Peter  
nic kadang naac khou  
ding bam khuane.



Peter rui, naac khou ding bam ti khou tei mei nun  
tei kata than liang kathum na than khuane. Khou tei  
Peter nu mak liang  
kathum khuan the.  
Jisu rui sa lou mei  
kumna kamei rui Jisu  
ta siang na sa kasi  
luan kathum  
khuan the.



# KOK-A-DUDAL-DU



Mi tang tei nruai khuang  
the. Mi khuan tei Peter  
khang Raguang khuan kahak  
kum the. Khou tei kamei  
rui Jisu lat tei ning tou  
lana kalung bak na kap the.





Jisu ta juan kan mei tang Juda  
Iskariot tei pei na kalung kabiu the.  
Kalam thu Jisu tei Kakuai mak ge  
tu mei kamei thai e. Khou tei  
kamei rui sian kang 30 tei la  
dat lana amu nun khang ti  
han dat the tiki amu nun  
rui la lou dat  
mak khe.





Juda Iskariot rui sian  
kang tei nrou kei lou  
du lana tat kan the  
kumna kara na thang  
luai kan the.






Amu nun tei rui Jisu ta Rome mei  
Guangc Pilat hu khou jai guang  
the. Khou tei Pilat rui mi na ru  
khou hei Ai, khuai phu pat mak ge  
tuna sa the. Tiki  
meikang dai tei rui  
'Kata thang luai o!  
Kata thang luai o!' tuna  
kao na bam khuane.



Nkham khou Pilat rui Jisu ta  
kros khou thang luai khang  
latdan pat the. Khou tei rui  
thao na Jisu ta ri mei guai  
rui bai thao the, kajao khou  
tei nsuk lou the, sao builuang  
rui bai the khatnic sao pirun  
tei kali khou run lou the.  
Kumna kros khou kata  
thang luai the.



Jisu rui hei kum na thei puni tu mei kamei thai  
khuane. Kamei thei lou mei pan rui thou puni kakhou  
lum mei guai rui pap kuak lou mei la tou puni tu mei  
nic thai khuane. Kai hou mei  
pu gaan nei baan jat-baan  
dau biak thang kros khou  
thang bam mei tei gaan khat  
thu Jisu khou lum lou na  
paradaise thang tat kan  
the tiki gaan khat thu  
lum lou mak pui jang  
rui tat mak khe.



Jisu rui khuang gan  
aju rianra khaeng  
mei tang "Luai The"  
tuna kao pat na  
kabu tut kan the.



Kataan guai  
luai lou the, kumna  
kaduang su mei rui  
kata mei bai mei ta  
mbei lou mak mei  
tarou khou mbei  
lou kan the.



Mi khou tei, gaan khat na  
sini lapat-lagut ngam  
mak khang rui seal  
diang lou na Rome  
mei ri mei guai  
rui rigaan the.



Mi rui ngan mei di tha? Jisu  
thei suang kan the na cho?  
Jang si ye da! Tiki ham  
mak ge, charin mei kiu  
thu Jisu thei suang  
mak ge, Ka mei  
Ring thao dat  
kan the.



Lauthuan khuanzing, reiliang mei  
tingmik nung roukham tao tei  
kalat pat bam mei ta hou  
the. Jisu tuang ziab  
nun rui Kaniu rui gut  
na jao puki Jisu  
tei bam mak khe.




Khou tei n-tu mei pui gaan  
khat ding na tarou daeng  
khou kap bam khuane.  
Khou tei Jisu rui kakhou  
guang na ariu lou the.



Khou tei mi pui tei rui  
kaluak-kalat nei la na pak  
tat lana kaziab guai khou din  
lou the. Jisu 'RING THAO  
THE', kamei thei mei khou  
rui ring thao dat the  
tuna sa the.





Jisu rui ringthao dat mei tang kaziab nun daeng khou guang khuane. Khou tei ziab nun tei rui jotpi zam kaphai-kabaan khou mei ta hou lana kaling na Jisu ring thao dat mei ta lum the. Kumna Jisu rui Peter ta nic kuak lou dat na kaziab guai ta tat tho mi cham hei mei kathui na khou din lou tho tuna sa the. Mi tang tei Jisu kamei rui guang mei bam Tingkao thang ku dat kan the.



Jisu Ring Thao Mei

Raguang tuang lat khou rui Pary,

Baibal/Bible khou rui phange

Matthiu 26-28, Luk 22-24, Jahon 13-21

"Nang lat akhou gut lou khou rui gaan  
mei ti lou e." Kalumlu 119:130





Luai Louc Mei



Mi Baibal pary rui charin mei Raguangc aniu ta dam lou mei pu lam din lou e khatnic kamei rui nang niu ta nic kalam ti thai ni na bam e.

Raguang thu aniu rui si mei taan taanc lou mei guai thai na bam e. Mi ta tei pap tuna kao e. Pap tuang taanphi thu thei mei di the tiki Raguang rui nbaan ta hei di kam njian lou na Kana Mpou khatna mei ta kros khou nang pap jang nang phaan thei lou khang ndiu kei lou the. Kamei thei lou na Ringthao dat na Tingkao tat kan the. Nang rui kakhou lum lou na nang pap guai kuak lou khang nei ethei, kamei rui guang lou na nang khou lung lou puni. Ntao tumei hei nang khang kagan di the Jisu ta la lou khang. Nang rui la lou na lum lou ethei, Kamei le Tingsaeng lung ncham puni the.

Nang rui la lou na lum lou ethei, Raguang khou huainei tho. Jianmei JISU, Nang hei Ringsuang mei Raguange tumei Ai lum the. Nang rui apap jang khang kandi khou mansei lun lui na guang na kros khou thei lou the.

Kumna thei mei ta ngam lou na Ringthao dat kan the. Apanti khou nic guang lung lou pu o khatnic apap guai kuak lou pu o, hei kum ethei Ai nic kathan mei panti khou lung ngam khang; Ai ni nang thei lai ni e khatnic tingsaeng ringsuang mei panti lani e. Nang lat piu khang nkha lou o khatnic nang nac su khang jian lou o. Jisu jan khou AMEN.

Jahon 3:16 tei tingmik pum pana huainei na Raguang ta kachu o.

